

## Ruoššaluosa bivddus galgá váldit vuhtii Atlántta luosa

*Deanu guollebivdu spiekkasa dábálaččas boahte bivdobajis. Atlántta luosa nálli lea oalle fuotni, ja dan bivdu lea gildojuvvon. Dan sadjái vuordit ruoššaluosa goargnut Detnui, muhto dan meari lea váttis einnoštit. Buohkaid dán jagáš deatnobivdiid lea buorre dovdat ruoššaluosa ja diehtit, mo dainna galgá rassat.*

Boahte geasi galgá ráhkkanit ruoššaluosaid (gubbeluosaid) valjes goargnumii Deanu čázádahkii. Ruoššaluosa goargnuma sáhttit caggat Norgga beale bivdobiergasiin, merddiin. Lea vejolaš, ahte meardebivdu ii lihkostuva plánejuvvon vugiin daikke dan gártat ráddjet vai Atlántta luossa ja eará gulliid goargnun dorvvastuvvo. Loahpalaš ruoššaluosaid goargnumearit čielget easka geasi mielde, ja seammás čielgá bivddu dárbu Deanu rádjajohkaoasis.

– li oktage dieđe ollugo ruoššaluossa lea máhccamin Davvi-Atlánttas Detnui. Norggas lea fidnu ruoššaluosaid eretbivdima várás, ja juos dat lihkostuvvá, de dat geahpeda measta ollásit Suoma beallái goargnu ruoššaluosa, muitala eana- ja meahccedoalloministeriija ráđđádalli virgeolmmoš **Tapio Hakaste**.

Ruoššaluossa lea goargnunguolli ja vierisšládja, mii laská garrasit ja dat sáhtá áitit álgoálgosaš ealánriikii gulli šlájaid. Šládja lea ožžon namas das, ahte godđoáigge goadjima čielggis lea gubbi, muhto guollebivdiid gal buorre oahpahallat earuhit guollešlája muđuige.

Ruoššaluosa bivdui lea dán jagi guokte vejolašvuoda. Vu osttažettiin dan sáhtá bivdit eará lobálaš guollebivddu oktavuodas, go guollebivdi čuovvu Deanu čázádaga guolásteapmái guoski njuolggadusaid ja bivdis leat dárbbalaš guolástanlobit. Nubbi vejolašvuolta dan bivdui lea cegget sierra bivdofitnu, man plána galgá almmuhit ovddalgihtii Lappi ELY-guovddáži. Bivdu ii oaččo dagahit siidosalašjámu Atlántta lussii ja bivdobiergasiid báhcán Atlántta luosa galgá álot luoitit ruovttoluotta luovus Detnui.

### Sávvat olbmuid bivdit ruoššaluosa eará bivddu oktavuodas

Ruoššaluosa sáhtá bivdit dakkár lobiin, mii lea guolástanmearrádusain oaivvilduvvon eará guollebivdui. Seammá guoská maid bivdobierrgasiid ja bivdoáigodaga. Juos ruoššaluosa boahá sállašin, dan galgá goddit bivdonjuolggadusa mearrádusaid mielde. Dihtoearri ii leat mearriduvvon ruoššaluosaid várás. Dábálaš, guolástanjuolggadusain oaivvilduvvon bivddus ii dárbbas dahkat almmuhusa ELY-guovddáži.

Deanus sáhtá bivdit ovdamearkka dihte soavvila, čuovžža, guvžža ja hávgga. Atlántta luosa bivdu lea ollásit gildojuvvon dán jagi, daningo luossanáli lea heajos dilis ja dan berre suodjalit. Sállašin báhcán luosaid galgá luoitit luovus, ja juos dat bohtet mánggat, de bivddu ferte heaitit ja lonuhit eará bivdosadjái. Atlántta luosa váldima ránggáštus lea 3 480 euro.

### Ruoššaluosa eretbivdima fitnuin galgá almmuhit ELY-guovddáži

Dábálaš bivddu lassin dán jagi ruoššaluosa viiddit bivdu lea vejolaš dan bivddu várás plánejuvvon bivdofitnuin. Bivdofitnu galgá ákkastallat, das galgá bivdit namalassii ruoššaluosa ja das galgá garvit buot vejolaš vugiiguin Atlántta luosa gártama siidosállašin.

Ruoššaluosa galgá bivdit rivttes áigge rivttes sajis, ja lea dehálaš geavahit bivdobierrgasiid, main lea álki luoitit luovus vahágis boahán siidosállaša. Ovdamearkka dihte golgadat coages sajis lea dán várás buorre vuohki. Bivdofitnu galgá ollašuhit dalle, go ruoššaluossa ohcala godđosajiide. Ovddit jagiid ruoššaluossa lea goargnugoahán Detnui mihcamáraid manjá ja dat lea gávdnon Deanus čakčamánu álgogeaži rádjai.

Bivdofitnus galgá almmuhit Lappi ealáhus-, johtolat ja birasguovddáži manjimušta geassemánu 19. beivvi rádjái. Almmuhus dahkkojuvvo ELY-guovddáža skoviin. Bivdofitnu almmuheami lassin fitnu ollašuhttis galgá leat guolástanvuoigatvuohta guvlui ja guolástanlohpi, mii vuoigadahtta gažaldatvuloš bivdovugiid geavahepmái.

Bivdofitnus ovddasvástideaddji galgá maddái fuolahit das, ahte goddojuvvo sálaš áššái gullevaččat juo váldojuvvo biebmun daikke duššaduvvo nu, ahte dat ii hehte moge.

### **Norggas ja Suomas geahččaluvvojit ođđa vuogit ruoššaluosa beaktilis eretbivdimii**

Norga lea ollašuhttimin viiddes fitnu ruoššaluosa eretbivdimi várás Norggas. Norgga fitnu váikkuhusat ruoššaluosa goargnumii eat bastte árvvoštallat vel dálá muttus.

Luondduváridguovddáš lea gárggiidahtán Deatnoleagi guolásteaddjiiguin ruoššaluosa bivdovugiid, maiguin sáhtášii beaktilit bivdit ruoššaluosa ja seammás seastit joga lunddolaš guollešlájaid nu bures go vejolaš. Smávvalágan bivdu geahččaluvvo suoidnemánus goargjunáigge ja čuozihuvo borgemánus godđosajiide. Okta báikkálaččaid bivdojavku nuohttu Vuolle-Geavgná vulobealde, golbma bivdojavkku golgadi Njuorggáma ja Badje-Geavgná gaskkas Deanu váldoalis. Dán geasi gárggiidahttinfitnus sáhttit gárggiidahttit vugiid ruoššaluosa viiddit eretbivdimii boahhte jagiid várás.

Norgalaš guollefávttaiiguin lea ovttasbargu ja singuin fáktejuvvo ovttas Deanu alde. Earenoamážit čuvvojuvvo ruoššaluosa bivdu almmuhuvvon bivdofitnuid ollašuvvan ja maid luossabivdogildosa doahhtaleami. Suoma beale fáktemis lea geavahusas maddái drona, mainna bastit johtilit dárkkistit váttisge guovlluid.

#### **Loga lasi:**

- [Bivdofidnui gustojeaddji láhka](#) (finlex.fi)
- [Eana- ja meahccedoalloministeriija láhkaásahus ruoššaluosaid bivdimii guoski almmuheamis ja raporteremis](#) (mmm.fi)
- [Guolástanjuolggadusat](#) (ely-keskus.fi)
- [Šlájadieđut ruoššaluosas](#) (vieraslajit.fi)

#### **Lassidieđut:**

Lappi ELY-guovddáš, fidnoalmmuhusat ruoššaluossabivddus, jurista Elias Rauhala, 0295 037 056, ovdanamma.goargu@ely-keskus.fi

Lappi ELY-guovddáš, guolásteami gohcin, guolledoalloáššedovdi Kare Koivisto, 0295 037 067, ovdanamma.goargu@ely-keskus.fi

Luondduváridguovddáš, dutkanprofessor Jaakko Erkinaro, 0295 327 871, ovdanamma.goargu@luke.fi

Eana- ja meahccedoalloministeriija, ráđđádalli virgeolmmoš Tapio Hakaste, 0295 162 152, ovdanamma.goargu@gov.fi